



Ikhambo lesikolo seZithatheleni

IsiNdebele

Notozi Mgobozı



Ikhambol lesikolo seZithatheleni

Itlolwe ngu Notozi Mgoboz
Umtjengisi Dale Blankaar




Itjhugululwe ngu Mncedi Ntuli

Abafundi ababuya esikolweni iZithatheleni
endaweni yemakhaya eSiyabuswa
bazilungiselela ikhambo eliya eCape Town.

Ngaphambi kokuba namalanga wokuphumula
wesikolo wehlobo, babawiwa bonyana
bazilungiselele ikhambo, kodwana uphrinsipala
akhange abatjele bonyana bazokukhamba
bunjani ukuze bafike lapho bayo khona.


Uphrinsipala wamemezela bonyana
kuzokukhamba abafundi beGreyidi
yesi-3 kwaphela. Isimemezelo leso
sadanisa abanye abafundi.



Abanye abafundi bebangakathabi nakancani
bebabubula ngombana uphrinsipala wathi kibo
basesebancani kobana bangakhamba begodu
bazolithola ithuba labo umnyaka olandelako.

Lokha isikolo nasizokuvalela amaholideyi
wokuphela kwekotara, abafundi beGreyidi yesi-3
bathoma ngokuhafula amalanga wokuphumula
wekotara ezako lokha nabazokukhamba.

Abafundi beGreyidi yesi-3
bebathabe khulu
nakutjhidela isikhathi
abanye babo
bebangasalaleli
ngetlasini
ngombana
bazele ithabo
kwaphela.



Uphrinsipala azange abatjele bonyana
bazokukhamba ngesiphaphamtjhini ukuya eCape
Town begodu isiphaphamtjhini sizokukhwelelwa
e-East London. Lokhu bekusimanga sokwehlisa
iindleko zokuthenga ukudla zalokha nabakhamba
ngebhesi.

Omunye nomunye kibo wathoma wazikhakhazisa
mayelana nalokho ababelethi bakhe
abamthengele khona ukulungiselela ikhambo.



Abafundi batjelwa ngoMvulo ngaphambi kwelanga lokukhamba kobana bangawuthengi umphako wendlela. Ngelanga lokusuka, omunye nomunye wathaba lokha nababona amateksi amabili abajamele ngaphakathi emabaleni wesikolo ekuseni. Bebaphekelelwe bablethi babo bazivale ngeengubo ngombana bekumakhaza ekuseni.





Abanye babo bebaphethe iingobo ezibudisi
nalokha ababelethi babo bebasazi kuhle
bonyana akukafaneli, bebavunyelwe kwaphela
bonyana beze nesikhwamanofana ipotimende
enezembatho zabo.

Bakhwelela iteksi ngaphakathi esikolweni
yayobahlisa edoyelweni leemphaphamtjhini
ze-East London.

Boke bamangala khulu ngombana akekho
namunye wabo obegade asazi bonyana
bazokuphapha ngesiphaphamtjhini baye
eCape Town.

Abanye babo bathoma balila ngombana
bebasaba isiphaphamtjhini begodu nokuphapha
phezulu emmoyeni.



Abotitjhene babenomsebenzi wokududuza abafundi abalilako nabesaba ukukhwela isiphaphamtjhini. Uprinsipala wabakhalima ngokubathusela bonyana uzokubiza amapholisa ababambe.

Boke bathula azange basalila bangena edoyelweni leemphaphamtjhini bathoma bajikajika bamangazwa zizinto abazibona kokuthoma. Abanye babo bahlekela phezulu ukutjengisa ithabo.



Lokha isiphaphamtjhini nasihlala phasi,
abafundi bakhamba ngereyi ukuyokhwela
isiphaphamtjhini.

Abanye besele bahlezi ngaphakathi basizwe
basizi besiphaphamtjhini bababopha
ngamabhande wokuphepha.

Abanye bebatthalaza baqalaqala yoke indawo
ngokufuna ukwazi, babonakala bangakathabi
begodu basesaba.

Lokha nasele kusikhathi sokobana
isiphaphamtjhini sisuke, isisebenzi esinye sajama
phambili ngaphakathi kwesiphaphamtjhini
satjengisanofana satjho imithetho
yangamalanga yesiphaphamtjhini.

USifiso oneminyaka eli-9 bekaphethe ikhemera yokuthatha iinthombe. Isisebenzi samtjela bonyana ahlale phasi bese uyazibopha njengombana isikhathi asimvumeli bonyana athathe iinthombe. USifiso wahlala phasi kodwana waqaleka adanile nekhemera yakhe ebotjhelelwe intanyeni. Lokha isiphaphamtjhini nesisuka phasi, abanye babafundi bathoma baliliswa kukwethukwa. Linsebenzi zabaduduza nabanye abakhweli ebebahlezi eduze nabo.



Omunye wabesana obekahlezi eduze nefesidiri bekarhuwelela akhomba ngaphandle efesidirini athi, "sikhamba ngaphezulu kwelwandle, sizokuminza." Boke bebatulile baqale ngaphadle kwamafesidiri.

Isikhathini soke, uSiyabonga bekafihle iphakethe elizele ukudla. Walotjhisa abanye begodu wabamemela ekudleni. Wathi, "Izani sizokudla, ngilambe khulu."



Bambawa bonyana ahlale phasi abe
avale iphakethe yakhe yokudla ngombana
bazokunikelwa amasneksi. Abanye abafundi
bebahleka lokha utitjhere wabo nebekamkhalima.

USiyabonga wazitjela bonyana bekazokuthabela
ukudla kwakhe lokha nekafika e-Cape Town.
Banikelwa amasneksi bebadla bathabile.



Isiphaphamtjhini sahlala phasi edoyilweni leCape Town ngokugijima. Abanye babafundi bebathebe khulu, bajamile baqale ngaphandle kwamafesidiri.

Abanye bebalokhu basathukiwe begodu
babanjwe ngezandla ngabanye babakhweli
ukubasiza bonyana bahlike. Bathoma
ukuyothatha iinkhwama zabo emjejeni webhande
elijikako barhuwelela ngethabo.
Ibhesi beyibajamele ephageni leembhesi.



Abafundi bebathukiwe begodu bathabile, balwela iintulo ngebhesini njengombana omunye nomunye ufunu ukuhlala eduze nefesidiri ukubona iCape Town. Batjhinga ehotela iBlue Moon eqalene neSea Point. Behla ngebhesini, bayokuthatha imithwalo yabo. Abanye babo besele bathomile ukuhlubula izembatho zabo bafuna ukuyokududa. USifiso warhuwelela wathi, "bangani ngiyanibawa ningarhabi leli lilwandle akusiwo umlambo."




"Bajamise titjhere," kwa tjo uMandla, "Lo akusiwo umlambo nizokuminza."

Baphekelelwa emakamurweni wabo ziinsebenzi zehotela lapho kulalwa ngababili khona.

Bebathabe khulu godu nebaqala ifenitjhara engemakamurweni begodu namaphaselwa wokubamukela.

Ngemuva kwesikhatjhana, babizelwa ngendlini yokudlela bonyana bazokudla isidlo sabo sentambama.



Boke barhabela ukuyokuthola isitulu esihle kunazo zoke etafuleni lokudlela. Bebanganaso isiqiniseko sokobana bayokukhetha ini ngombana koke ukudla obegade kuphekwe lapho bekukutjha kibo. linsebenzi zehotela zabasiza kobana ngokuzikhethela abazokudla okuzabe kusezitjeni zokudlela.

Ngemuva kokukhambela zoke iindawo lezo ebebahlele ukuzivakatjhela, bathoma baziungiselela ukubuyela emakhaya.



Abafundi nabolitjhhere bebambethe amatreksudi nabayokhwela ibhesi ukuya endoyileni leemphaphamtjhini. Bakhwela isiphaphamtjhini ngaphandle kokuthukwa khulu baphapha babuyela emuva e-East London.

Behla esiphaphamtjhinini bayokukhwela amateksi babuyela emuva emakhaya ngethabo, bebangasabambeki ukuzibona sebafike emakhaya bese babelana nabo ngelwazi abalitholileko.

Bathiya noSifiso igama lokudlala elithi nguMphako.

Woke umuntu esikolweni bekathabile begodu babamukela ukubuya kwabo esikolweni.

Nabanye abafundi abakamanye amaGreyidi bathoma baqala phambili idlhego labo langeminyaka elandelako.



AMAGAMA WOKUTHOKOZA

Itlolwe ngu

Notozi Mgobozi

Umtjengisi

Dale Blankenaar

Umhleli 1

Ntombi Kayise Njadayi

Umhleli 2

Nelisa Mviko

Umhleli 3

Nopasika Xapa

Umtlamini

PixelPing Design

Umtjhugululi

Mncedi Ntuli

Umqinisekisi

Johannah Phephelaphi Mnguni



ISBN 978-0-638-00759-6



basic education

Department:
Basic Education
REPUBLIC OF SOUTH AFRICA



LET'S GET SOUTH AFRICA READING

